



Pou Piblikasyon Imedya: 16/08/2023

GOUVÈNÈ KATHY HOCHUL

GOUVÈNÈ HOCHUL ANONSE ACHÈVMAN PWOJÈ REZISTANS KI KOUTE 9.5 MILYON DOLA NAN VIL OSWEGO

*Mezi stabilizasyon ak revitalizasyon ki aplike nan Waf Entènasyonal la nan kad
Inisyativ Rezistans ak Developman Ekonomik Lak Ontario Eta New York la*

*Amelyorasyon enfrastrikti yo pral ankouraje itilizasyon Iwazi epi asire aksè ak
biznis kle yo*

Gouvènè Kathy Hochul te anonse jodi a finisman konstriksyon nan Waf Entènasyonal (International Pier) la nan Vil Oswego, Konte Oswego. Yo te bay vil la 9.5 milyon dola atravè [Inisyativ Rezistans ak Developman Ekonomik \(Resiliency and Economic Development Initiative, REDI\)](#) pou revitalizasyon waf istorik sa a nan Lak Ontario nan Eta New York la. Nivo dlo wo ak aksyon vag tanpèt ki te soti nan Lak Ontario te lakòz domaj estriktirèl waf la an 2019.

Pwojè ki fini an pwoteje ak stabilize Waf Entènasyonal k ap deteryore a. Anplis de sa, waf la te konvèti nan yon pak ki favorab pou pyeton, ki kounye a konekte ak sistèm santye vil la. Nouvo dispozisyon Waf Entènasyonal la pi byen itilize espas, pou sèvi navigatè Iwazi yo epi atire rezidan yo nan novo espas pak la ak novo opòtinite pou jwi litoral la.

"Chanjman klimatik se yon reyalite nou pa ka oze inyore, epi New York ap abòde defi a tèt pou tèt", **Gouvènè Hochul te deklare**. "Atravè REDI, Eta New York ap kontinye asiste kominate bò litoral Lak Ontario yo nan batay yo kont efè-move tan ak inondasyon akoz klima, jan yo wè nan tout rejyon an an 2019 ak jan nou kontinye wè atravè eta a."

Mezi rezistans ak revitalizasyon ki aplike nan Waf Entènasyonal yo enkli:

- Enstalasyon novo dlo, egou ki sanitè, kolèk dlo lapli, ansanm ak novo sèvis elektrik yo
- Ajou yon pòtay an demi sèk ak yon paking pou vizitè
- Amelyorasyon peyizaj la
- Relokalizayon ak ranplasman lansman bato yo; epi
- Ogmante elevasyon waf la ak enstalasyon stabilizasyon rivaj la pou pwoteje klwazon waf la ak twotwa yo.

Pwojè a bati sou pwojè 3.1 milyon dola Wright Landing Marina ke REDI finanse, ki te fini konstriksyon an 2021. Pwojè marina a te ede ankouraje ak amelyore opòtinite Iwazi nan pò a, pandan y ap kreye yon espas publik ki dinamik ak ouvè. Lokal Waf Entènasyonal la ki imedyatman akote Wright Landing Marina ogmante enpak amelyorasyon rezistans transfòmatif yo te fèt bab kad pwogram REDI a nan Wright Landing.

Pwojè REDI yo konplete sibvansyon 10 milyon dola Gouvènè a bay Oswego nan lane 2016 atravè Inisyativ pou Revitalizasyon Anbalavil (Downtown Revitalization Initiative, DRI) la. Oswego se te premye minisipalite ki te patisce nan konplete tout pwojè yo te finanse pa prim DRI a. Pwogram Revitalizasyon Bò Litoral Lokal (Local Waterfront Revitalization Program, LWRP) Depatman Deta (Department of State, DOS) Eta a te bay tou 1.5 milyon dola pou amelyorasyon anplis nan marina ak Pak Breitbeck ki sou kote a, ki gen ladan re-pentire fa a; koneksyon santye ak pak Breitbeck; enstalasyon nouvo fwaye brilan ak chèz; nouvo twalèt ak twalèt yo repare, avèk douch pou navigatè yo; yon nouvo estasyon esans; ak yon nouvo batiman pou sèvis navigatè yo. LWRP te finanse tou lòt amelyorasyon Pak Breitbeck la tankou yon patojwa ak nouvo ekipman pou tèren jwèt.

Sekretè Deta Eta New York la, Robert J. Rodriguez, te deklare, "Pandan n ap kontinye pwoteje rivaj Lak Ontario a, nou fè envèstisman enpòtan pou ranfòse enfrastrikti ki enpòtan anpil pou kominate yo ki sou wout li yo. Finisan Waf Entènasyonal la se yon lòt egzanp sou fason New York angaje I pou I konstiwi yon litoral ki pi solid ki pare pou reziste kont evènman gwo dlo alavni yo epi sipòte yon ekonomi k ap pwospere ak rezidan yo nan kominate Lak Ontario yo."

Komisè Depatman Konsèvasyon Anviwònmantal (Department of Environmental Conservation, DEC) Eta New York la ak Ko-Prezidan Komisyón REDI a, Basil Seggos, te deklare, "Bati rezistans kont evènman move tan ekstrèm yo ak chanjman klimatik la enpòtan pou pwosperite alavni nan Oswego ak lòt kominate litoral yo. Eta New York ap kontinye prioyize investi nan amelyorasyon enfrastrikti tankou pwojè Waf Entènasyonal la ak avanse estrateji rezistans konplè ak mezi pwoteksyon pou ede anpeche alavni konsekans ekonomik, anviwònmantal ak sekirite publik nivo dlo ki varye otou Lak Ontario a."

Prezidan, Direktè Egzekitif Jeneral ak Komisè Empire State Development Ian, ak Ko-Prezidan Komisyón REDI a Hope Knight, te deklare, "Finisman Waf Entènasyonal la enpòtan anpil pou transfòmasyon litoral Oswego a epi pou relanse ekonomi rejyonal la nan atire nouvo rezidan, vizitè ak biznis. Lè nou investi yon fason estratejik nan pwojè rezistan atravè Komisyón REDI a, n ap bati nan direksyon yon avni ki pi solid ak pi entelijan pou kominate yo ki depann de Lak Ontario pou mwayen sibzistans li."

Komisè Depatman Transpò Eta New York la, Marie Therese Dominguez, te deklare, "Atravè travay li nan Marina Wrights Landing, Waf Entènasyonal la ak Pò

Oswego, Komisyon REDI a te fè yon diferans vizib nan ede Vil Oswego ogmante rezistans ak opòtinite Iwazi pou rezidan yo ansanm ak vizitè yo. Li konplete tou envestisman kontinyèl Gouvènè Hochul nan Vil Oswego atravè Inisyativ Revitalizasyon Anbalavil la ansanm ak plis pase 40 milyon dola nan envestisman Depatman Transpò (Department of Transportation, DOT) Eta a te fè pandan senk dènye ane yo sèlman. Oswego te fè anpil pwogrè nan yon ti tan sèlman, epi gen pi bon bagay ki gen pou vini pou vil bò rivaj sa a ak potansyèl san limit nan Santral New York."

Komisè Biwo Sèvis Jeneral Eta New York la, Jeanette Moy, te deklare, "Nan kad lidèchip Gouvènè Hochul, OGS fyè pou l sipòte travay k ap kontinye nan pwojè pwogram REDI Eta New York la ki pral ogmante opòtinite Iwazi yo, ki pral omante ekonomi touristik rejyon an, epi ki pral devlope rezistans nan zòn ki gen tandans sibi inondasyon yo bò Lak Ontario ak Rivyè St. Lawrence lan. Rezidan Oswego yo ka fyè de tout sa ki te akonpli nan nouvo Waf Entènasyonal la ak nan Wrights Landing Marina."

Senatè Eta a, John W. Mannion, te deklare, "Finisman pwojè Waf Entènasyonal ki finanse pa eta a se yon gwo amelyorasyon pou litoral Vil Oswego a ki estabilize bò rivaj la, ki bay pi bon enstalasyon pou navigatè yo, epi ki kreye nouvo espas Iwazi pou rezidan yo ak vizitè yo. Mwen pral kontinye sipòte finansman REDI nan bidjè eta a paske kominote New York Santral yo benefisyè nan envestisman sa yo. Mwen eksprime rekonesans mwen anvè Gouvènè Hochul, Komisè Seggos, ak tout moun ki enplike nan planifikasyon ak egzekisyon pwojè sa a."

William Barclay, Lidè Minorite Asanble a, te deklare, "Finisman pwojè Waf Entènasyonal la se yon bon nouvèl pou Vil Oswego epi li ap bati sou lòt amelyorasyon enfrastrikti enpòtan nan zòn nan. Rezidan yo ak vizitè yo pral benefisyè koneksyon sistèm santye vil la ak nouvo pak ki pratik pou pyeton an epi jwi espas deyò modènize yo. Se yon jou ki eksitan pou vil la epi mwen vle felisite tout moun ki patisce nan travay sa a."

Billy Barlow, ki se Majistra Oswego, te deklare, "Transfòmasyon Waf Entènasyonal la an William S. Cahill Pier se yon gwo pwojè bò litoral ki pral atire moun ki soti toupatou nan New York Santral nan bò litoral la epi ki konplete plizyè lòt pwojè amelyorasyon ke Eta New York ak Vil Oswego te fè patenarya depi 2016. Pwojè sa a ranfòse rivaj nou an, li repare yon kantite enfrastrikti aje enpòtan, epi kreye yon nouvo pak piblik pou moun yo jwi. Gras a envestisman fon REDI NYS la ak Gouvènè Kathy Hochul, litoral Oswego a pi bon kounye a pase jan ili te janm ye anvan."

Nan repons ak chema inondasyon pwolonje nan tout bò rivaj Lak Ontario ak Rivyè St. Lawrence yo, Eta New York te kreye REDI a pou ogmante rezistans kominote sou rivaj yo epi estimile devlopman ekonomik nan rejyon an. Yo te etabli senk (5) Komite Planifikasyon Rejyonal (Regional Planning Committees) REDI yo, ki gen reprezantan ki soti nan uit (8) Konte (Niagara ak Orleans, Monroe, Wayne, Cayuga ak Oswego, ak Jefferson ak St. Lawrence) pou idantifye priyorite lokal yo, enfrastrikti ki gen risk ak lòt resous yo, ak enkyetid konsènan sekirite piblik la. Atravè REDI a, Eta a te angaje jiska

300 milyon dola a, pou benefisyé kominote yo ak amelyore rezistans nan reyon ki gen tandans sibi inondasyon olon Lake Ontario ak St. Lawrence River yo.

Depi kreyasyon pwogram REDI Eta a nan sezon prentan 2019 la, 134 pwojè lokal ak reyonal REDI finanse yo kòmanse, sa ki gen ladan 29 pwojè nan faz konsepsyon, 44 pwojè nan faz konstriksyon ak 61 pwojè ki fini.

Gwo Etap REDI yo nan Konte Oswego

- **Waf Eksplwatasyon Lès, Otorite Pòtyè Oswego, Konstriksyonacheve, sibvansyon 300,000 dola:** Enstalasyon yon mi an tòl ki gen asye selilè pou brize aksyon vag gwo dlo yo nan zòn ki afekte a pou pwoteje pwent nò Waf Eksplwatasyon Lès la. Pwojè sa pral pwoteje tou entegrite waf la, sa k ap asire operasyon an kontinye ak kenbe pubblik la an sekirite.
- **Otorite Pòtyè Marina, Otorite Pòtyè Oswego, Konstriksyonacheve, sibvansyon 40,000 dola:** Enstale nouvo waf, ki ka ajiste pou kont yo pou ranplase waf ki te nan yon wotè fiks yo.
- **Otorite Pòtyè West Pier, Otorite Pòtyè Oswego, Konstriksyonacheve, sibvansyon 149,513 dola:** Mezi pou stabilizasyon litoral la nan West Pier kote gwo dlo ak ajitasyon eksesif vag te gen enpak negatif sou bèm lan.
- **Mexico Point State Park, Konte Oswego, Konstriksyonacheve, sibvansyon 480,000 dola:** Enstalasyon 435 pye lineyè (LF) stabilizasyon sou litoral avèk plasman 3,200 tòn wòch pou anpeche plis devastasyon litoral la.
- **Wrights Landing Marina, Vil Oswego, Konstriksyonacheve, sibvansyon 3,100,000 dola:** Ogmante wotè estrikti marina a pou konpanse nivo dlo ki pi wo, ki gen ladan lansman bato, zòn paviyon, pakin ak wout aksè yo. Yo te elve estrikti yo nan wotè anviwon twa pye pou redui inondasyon alavni. Mezi rediksyon anplis yo gen ladan ajoute basen biyoretansyon yo pou enfiltre, estoke, ak filtre dlo lapli.
- **Otorite Pòtyè (Lehigh Cement), Konte Oswego, Otorite Pòtyè Oswego, Konstriksyonacheve, sibvansyon 70,000 dola:** Repare pòson mi waf la bò etablisman Lehigh Cement lan.
- **Pwojè Rezistans North Sandy Pond, Konte Oswego, Vil Sandy Creek, Konstriksyonacheve, sibvansyon 600,000 dola:** Restorasyon zile baryè sou litoral natirèl la (plaj ak din) ak stabilizasyon kanal la.
- **County Route 89, Konte Oswego, Konstriksyonacheve, sibvansyon 1,270,000 dola:** Amelyorasyon nan drenaj wout la ak amelyore sekirite pubblik lè yo bay yon wout ki pi an sekirite ki pa bezwen fèmti akòz inondasyon. Travay rezistans lan te enkli ranplasman ponso ki egziste deja a pa yon pono ki pi gwo pou ogmante drenaj, ansam ak rekonstriksyon wout la ak enstalasyon ranblè wòch pou pwoteje pant ranblè yo. Pwojè a te gen ladan tou ti ajisteman pwofil sou wout la, ansam ak enstalasyon nouvo ray gidaj, siy, ak mak sou pave yo.
- **Rezidans ak Biznis sou NYS Route 104 ak Fred Hayes Blvd. / Distri Komèsyal sou County Route 89, Vil Oswego, Faz Konstriksyon, sibvansyon**

4,800,000 dola: Etabli yon sistèm koleksyon egou minisipal pou rezidan yo ak biznis yo ki sitiye sou kèk pati County Route 89, State Route 104, ak Fred Haynes Boulevard ki akote Lak Ontario ak SUNY Oswego. Mezi rezistans nan pwojè a pral gen ladan apeprè 33,000 pye lineyè tiyo prensipal ak koneksyon lateral ak etablisman yo, ansanm ak enstalasyon de estasyon ponpaj prensipal pou transmèt dlo izé nan Vil Oswego.

- **County Route 5 / Lake Street, Konte Oswego, Konstriksyonacheve, sibvansyon 560,000 dola:** Ranplase miray soutènman an beton an ki sitiye nan anbouchi Salmon River, ki te deteryore akòz gwo nivo dlo ak ajitasyon vag yo. Pwojè a pral ede pwoteje aksè publik ak prive nan rezidans ak biznis yo pandan yon pakèt kondisyon nivo lak ak tanpèt yo

Pou w jwenn plis enfòmasyon, pwofil pwojè yo ak nouvèl sou REDI klike [isit la](#).

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)